

Tur instancia envolvi tabata presente

Plan pa Nassaustraat a keda presenta



ORANJESTAD(AAN)-- Representantenan di Setar, DOW, WEB, Elmar y LVV mescos cu representantenan di Cuerpo di Polis ayera a

reuni hunto cu comerciantenan di Caya Grandi cu Ministro Drs. Frank Booi di Obras Publico. Obhetivo di e reunion tabata pa presenta e

plan pa embellece Nassaustraat.

Varios pregunta a worde lanza entorno e plan cu Gobierno a presenta y cu

mester cuminsa haya su realizacion pa fin di Juni y mester keda conclui na final di November.

Segun informacion cu DIARIO a ricibi ta e intencion pa ehecuta e plan den Cinco fase. Hulanda lo bay cubri parti di e gastonan envolvi cu lo ta alrededor di 1.5 Millon pa e plan total.

E aceranan lo bay bira mas hanchu y trafico lo haya menos espacio ya cu solamente lo tin lugar pa un fila di auto. Lo tin banki, baki di mata, kiosko caminda por

haya informacion pero tambe saborea un soft.

Algun comentario tabata indica cu e plan ta tene hopi cuenta cu e parti pahao di Nassaustraat, pero ta lubida e parti mas pariba, esta na altura di Nicky Habibe, cu mester di un facelifting. Pero Ministro Booi lo a indica cu ta e intencion pa traha tambe ariba e parti aki.

Aparentemente esnan presente por a uni nan mes cu e plan cu a keda presenta y cu ta significa cu porfin, despues di hopi aña Caya Grandi lo haya un cara nobo.

OPORTUNIDAD PA TRABAJO

Debi cu nos ta amplia nos departamento di bentas nos tin mester di algun bendedor(a) cu tin ambicion pa gana placa.

Exigencianan:
- mayor di 21 añ i
- auto propio
- bon educacion

Interesadonan por acudi personalmente na Windstr. 17 na oficina di Cultural Aruba N.V. awe diamars 12-4-1988 entre 9:30-12:00 a.m. y 2:00-5:00 pm

fls.40.000,-

PROBECHA— CUMpra BO LOTTO PA FLS.3,00 SO.

Cursonan di recapacitacion reconoci pa Comercio

ORANJESTAD(AAN)— Durante un conferencia di prensa Ministro Croes a manifesta cu Gobierno a encarga señor van Drie full time pa guia e cursonan.

Señor van Drie a duna di conoce cu e programa di enseñanza pa empleo ta encera cursonan cu lo worde duna segun e demanda di mercado registra den Job Center.

Mayoria di e cursonan lo tin un duracion entre 3 y 4 luna y lo ta consisti di mas o menos 20 hora pa siman practica y 5 hora di teoria.

No ta e intencion segun van Drie pa laga e personanan sinta den banki.

Actualmente lo bay concentra ariba e personanan cu no tin trabao y pa tal motibo e cursonan lo tuma lugar den horanan di atardi

Señor van Drie no ta garantiza cu tur e hendenan lo haya trabao pero e curso ta worde duna segun e demanda pues tin hopi posibilidad cu tur lo haya trabao.

E cursonan lo worde duna na schoolnan tecnico huis houd schoolnan, Bushiri hotel, centronan di bario y cada pasa 3 pa 4 luna lo duna e mesun curso den un otro bario.

Esaki ta pa facilita e personanan cu nan no tin cu bay leuw for di cas.

Pa e personanan sin trabao, nan lo ricibi 10 Florin cada biaha cu nan presenta na e curso, mientras cu esnan cu ta traha lo mester paga 25 Florin pa inscripcion.

Na final di e curso e persona lo ricibi un certificado cual lo worde reco-

noci pa comercio.

E promer cursonan cu lo tuma lugar e luna aki ta pa mididor di tereno, carpinte pa construccion, ponedor di azuleho y pipefitter.

Dia 18 di April, esta Dialuna awor lo cuminsa tuma inscripcion pa pipefitter na J.F.Kennedy school. E curso lo cuminsa cu 15 persona.

Si resulta cu tin mas cu 15 persona, lo tuma nomber di e personanan y lo reserva pa e proximo curso di pipefitter segun e demanda.

Na Martin Luther King school lo tuma inscripcion pa carpinte y ponedor di azuleho. Aki pa cada un ramo mester di 25 persona

Pa lora ta trata mididor di tereno, lo mester 15 persona y inscripcion por tuma lugar na MTS.

E horario di inscripcion ta entre 6'or y 8'or di anochi caminda e persona lo haya tur e informacion cu e ta desea di haya.

Pa mas informacion esnan interesa por pasa na Job Center caminda nan por ricibi un folder cu tin informacion aden.

INSTITUTO VENEZOLANO PARA LA CULTURA Y LA COOPERACION

Anuncia los cursos de:

- COSTURA
- CUATRO ADULTO
- CUATRO INFANTIL
- CANTO INFANTIL y ADULTO
- COCINA VENEZOLANA
- PIANO nivel principiante y avanzado
- MANDOLINA nivel principiante y avanzado
- GUITARRA nivel principiante y avanzado
- ESPAÑOL nivel basico, intermedio y avanzado

Para mayor informacion comunicarse por el telefono 24610 o pasar por Bachstraat 9